

FOKUPERS (Forum Komunikasi Untuk Perempuan Timor Lorosa'e ka Forum Komunikaun Feto Timor-Leste nian)

Vizaun Jerál kona-ba Organizasaun no Aprosimasaun kona-ba Jéneru

FOKUPERS (Forum Komunikasi Untuk Perempuan Timor Lorosa'e, ka Forum Komunikaun Feto Timor-Leste nian) ne'e ONG Timoroan ida ho perfil aas - grupu ki'ik oan ida ne'ebé hahú molok tinan 1999 husi organizasaun nasional feto nian. Organizasaun ne'e harii iha tinan 1997, fundador sira kompostu husi feto no mane hamutuk ema na'in 15 husi organizasaun oi-oin, no hanesan parte husi organizasaun Yayasan HAK (Yayasan Hukum, Hak Asasi dan Keadilan ka Fundasaun kona-ba Lei, Direitus Umanus no Justisa) ne'ebé iha tiha ona iha tempu ne'eba. Molok referendum iha tinan 1999, uluk nanain FOKUPERS servisu hamutuk ho feto sira ne'ebé sai vítima husi forma violénsia tanba luta ba independénsia nian, iha situasaun hirak ne'ebé ema komete violénsia hasoru feto ka sira-nia la'en.

Liu tiha periodu referendum, iha ambiente hafoin-referendum, FOKUPERS hetan oportunidade barak atu asesu ba fundus husi organizasaun internasional sira. Nu'udar konsekuénsia, nia haketan an husi HAK iha Dezembru 1999 no sai ONG indepedenti ida. No kontinua fó suporta ba feto sira ne'ebe mak sobrevivente husi violénsia iha período molok no hafoin-referendum 1999, dadaun ne'e organizasaun ne'e konsentra nia esforsu liu-liu atu fó apoiu ba sira ne'ebé terus husi forma violénsia nian iha comunidade Timor nia laran, liu-liu violénsia doméstika no violensia seksuál.

Iha FOKUPERS nia haree violénsia hasoru feto sei hanesan parte luta naruk ida atu hetan duni feto nia libertasaun husi estrutura patriarkál no direitu feto nian. Organizasaun ne'e konsidera katak luta ida-ne'e nia rezultadu boot liu mak independénsia nasional, maibe sei iha servisu barak atu halo. Organizasaun ne'e hakarak liu-liu atu kria feto sira nia mentalidade ne'ebe sira luta-ba atu liberta sira nia rasik. Maibé, FOKUPERS iha opiniaun ida katak libertasaun ne'e sei la akontese se laiha apoiu husi mane no estrutura comunidade sira. Nune'e, ba FOKUPERS, iha nesesidade boot ida atu asegura katak comunidade Timoroan sira komprende katak luta atu hetan igualdade jéneru ninian prezisa feto no mane nia envolvimentu no mudansa iha sira-nia mentalidade.

Durante iha nia istória, iha membru FOKUPERS barak mak hetan perfil aas inklui Maria Domingas Alves (ne'ebé baibain bolu naran 'Micato'), primeira Asesora ba Gabinete Primeiru-Ministru kona-ba Promosaun Igualdade to'o tinan 2006, no Manuela Leong Pereira, ne'ebé hahú servisu hanesan voluntaria ho FOKUPERS iha nia Uma Abrigu (*Safe House*) durante okupasaun Indonesia. Diretora FOKUPERS oras ne'e mak Rosa de Sousa, troka fali mana Manuela iha inísiu tinan 2007.

Base FOKUPERS iha Dili maibe hala'o servisu iha distritu seluk, hanesan tuir mai:

Programa

Durante okupasaun Indonesia

FOKUPERS harii iha tempu ida ne'ebé sosiedade sivil hamriik daudaun hodi organiza kona-ba direitus umanus no direitu feto nian iha Timor-Leste. Ida ne'e bain bain organiza husi jersaun foun ne'ebe suporta maka'as ba ukun rasik an no ne'ebe hetan edukasaun husi

sistema indonezia, no hetan influensia husi fatór internasionál inklui períodu *reformasi* iha Indonesia, no hetan asesu ba diskusaun internasionál kona-ba direitus umanus.

Bainhira partisipa tiha iha workshop ida kona-ba direitu feto nian ba reprodutiva no violénsia seksuál husi militar Indonesia, ema balu haree katak iha nesesidade atu fó atensaun espesífika ba kestaun hirak ne'e, la'ós de'it tanba movimentu independénsia nian la fó atensaun ba kestaun hirak ne'e. Ativista sira-ne'e sai hanesan FOKUPERS nia membru fundadór.

Molok votasaun ba independénsia iha 1999, FOKUPERS nia membru sira (voluntáriu, barak maka funsionáriu Estadu nian) molok sira hala'o uluk formasaun atu fó suporta ba feto sira ne'ebé mak sai vítima tanba luta ba independénsia nian. Ida-ne'e inklui vítima sira husi violénsia militar Indonesia nian, feto dadur nain sira no feto sira ne'ebé sira nia la'en dadur iha kadeia ka mate. FOKUPERS harii fatin segredu uma seguru ida iha Dili iha kedas *pos jaga* Indonesia nia oin. Sira halo mós servisu atu halekar informasaun kona-ba fetosira-nia direitu no forma violénsia sira, fó sai mós husi boletin regulár ida. Hodi foka liu serbisu ba feto nian, FOKUPERS bele alkansa nia movimentu klandestina ho nakloke.

Iha fulan Novembru 1998, FOKUPERS no organizasaun feto sira seluk hala'o primeira Konferénsia Feto Timor nian – 'Konferénsia kona-ba Feto Timor nia Imajen'. Tópiku ba diskusaun iha konferénsia ne'e inklui violasaun ba direitu feto nian husi militar Indonesia no violénsia doméstika. FOKUPERS organiza kedas semináriu boot ida tuir konferensia ne'e iha lia-Tetun no halo manifestasaun públiku ida kona-ba violénsia hasoru feto atu apar ho loron violensia hasoru feto ho Loron Nasoens Unidas nian iha 25 Novembru.

Ambiente hafoin-referendum

Iha Setembru 1999, ema sobu-rahun FOKUPERS nia eskritóriu no nia dokumentasaun hotu-hotu. Bainhira organiza fali, liu tiha violénsia no destruisaun iha 1999, membru sira halo viajen ba distritu sanulu resin tolu, ne'ebé sira halibur testemuñu husi feto sira ne'ebé hetan violasaun ba sira-nia direitu durante okupasaun Indonesia no fó konsellu no forma sira seluk apoiu ninian. FOKUPERS konsentra iha área sira ne'ebé nia membru sira haree hanesan iha kazu todan liu kona-ba feto vítima sira, hanesan Maliana, Liquiça no Suai.

Atu bele hetan mós nia independénsia organizasionál no saláriu ba sira ne'ebé uluk voluntáriu, ambiente foun harii nasaun ninian signífika mudansa importante ida ba FOKUPERS kona-ba programa nia prioridade sira. Nesesidade atu rezolve lalais kondisaun iha sosiedade Timor nia laran domina fali atensaun ne'ebé uluk fó ba violasaun husi militar Indonesia hasoru direitu feto nian. Iha ne'ebé maka violénsia doméstika, iha sosiedade Timor nia laran, ladún diskuti iha públiku hanesan problema ida, durante okupasaun Indonesia nian, FOKUPERS decide halo pontu ne'e sai hanesan nia área prioridade foun. Mudansa iha atensaun ne'e hetan influénsia husi ambiente sósiu-polítiku foun, liu-liu atensaun ne'ebé autoridade tranzitória Nasoens Unidas nian fó ba direitu feto nian no jéneru.

Programa sira agora

FOKUPERS agora ne'e iha programa iha área tolu, hanesan tuir mai ne'e

1. *Atu akompañá no apoiá feto ne'ebé iha esperiéncia kona-ba violénsia*

FOKUPERS fó konsellu, uma ka facilidade abrigu nian atu fetu sira hela iha tempu naruk nia laran, no matadalan no apoiu liu husi prosesu jurídiku formál. Ida-ne'e halo parte Rede Referénsia ba Violénsia ho Baze iha Jéneru, ne'ebé harii atu koordena organizasaun sira ne'ebé maka fó apoiu ba vítima sira (inklui polísia nia Unidade ba Ema Vulnerável, PRADET nia Fatin Hakmatek no JSMP nia Servisu Apoiu ba Vítima).

2. *Publikasaun ba atividade edukasaun nian.*

Servisu ida ne'e fó mós atensaun ba grupu sira vítima sira-nian no grupu komunitáriu sira iha distritu. Nia foka ba direitos umanus no jéneru, inklui diskusaun kona-ba violénsia ne'ebé bazeia ba jéneru. Aspetu ida seluk programa edukasaun pública ninian foka, iha jeneralidade, ba comunidade nasional Timor-Leste, liu husi diskusaun iha forum, workshop sira, buletin mensál ida iha Tetun no programa rádiu regulár.

3. *Fó apoiu ba comunidade atu organiza grupu fetu sira*

FOKUPERS apoia grupu sira iha Ermera, Liquiça, Maliana no Suai, ne'ebé hala'o Uma Abrigu hodi fó abrigu no assisténsia ba fetu ne'ebé iha esperiénsia husi violencia. FOKUPERS, liu husi formasaun, ajuda hodi facilita organizadór voluntáriu ida iha fatin sira-ne'e ida-idak. FOKUPERS fó motivaun ba grupu ida-idak atu identifika ho kuidadu problema ne'ebé sira hasoru no atu hetan rasik solusaun. Membru pesoál ida husi FOKUPERS sei servisu ho organizadór komunitáriu iha semana tolu fulan-fulan, to'o grupu sira-ne'e iha ona kondisaun atu hala'o servisu mesak.

FOKUPERS buka ona hala'o modelu ida-ne'e iha fatin lubun ida, ne'ebé nia hetan susesu barak no mós frustrasaun balu. Estensaun susesu ninian atribui ba espíritu auto-sufisiénsia comunidade lokál ninian no sira-nia istória dependénsia ba organizasaun nasional no internasionál sira. Esperiência susesu ninian hetan liu-liu iha Liquiça, Maliana no Suai, ne'ebé grupu sobrevivente sira husi violénsia organiza an iha unidade ne'ebé metin no forte. Sira bele, nu'udar ezemplu, servisu ho sira-nia comunidade iha agrikultura no fahe reseita. Iha Suai no Maliana, sobrevivente sira husi violénsia agora fó assisténsia ba fetu seluk ne'ebé hetan violénsia - dala-ruma akompaña sira ba polísia ka refere sira ba organizasaun sira hanesan FOKUPERS; dala-ruma sira bele tuur ho parte sira ne'ebé envolve iha konflitu hodi halo mediasaun ba konflitu ne'e. Ema iha comunidade haree ba fetu sira-ne'e hanesan ema ho koñesimentu nato'on no esperiência atu tesi-lia ka fó konsellu konstrutivu ba ema ne'ebé tuur iha pozisaun mediasaun nian, hanesan *xefi suco*. Grupusira-ne'e balu hala'o mós atividade promosaun nian (advocacy), inklui kampaña ida ho susesu atu tau enfermeiru/a ida iha sira-nia comunidade lokál.

Kontaktu

Tel: (670) 332 1534
Email: fokupers2003@yahoo.com
Alamat: Rua Gov. Celestino da Silva 27, Farol, Dili

Husi: Trembath, Anna no Damian Grenfell, Mapa ba Lala'ok Buka Igualdade Jéneru: Atividade Ajénsia La Governamental no Internasionál nian iha Timor-Leste, Globalism Institute, RMIT University, Dili, July 2007, ISBN 978-0-646-47770-1, pp. 39-41.

